

水
經
注
釋

水經注釋

水經注釋卷十八

水經注釋卷十八
韓齡氏重校

仁和趙一清誠夫錄

渭水中

又東過武功縣北

渭水於縣斜水自南來注之水出縣西南衙領山北歷
斜谷逕五丈原東諸葛亮與步騭書曰僕前軍在五丈
原原在武功西十里餘水出武功縣故亦謂之武功水
也是以諸葛亮表云臣遣虎步監孟琰據武功水東司
馬懿因水長攻琰營臣作竹橋越水射之橋成馳去其
水北流注于渭地理志曰斜水出衙領北至郿注渭渭

水又東逕馬冢北諸葛亮與步騭書曰馬冢在武功東
十餘里有高勢攻之不便是以畱耳渭水又逕武功縣
故城北王莽之新光也地理志曰縣有太壹山古文以
爲終南杜預以爲中南也亦曰太白山在武功縣南去
長安二百里不知其高幾何俗云武功太白去天三百
山下軍行不得鼓角鼓角則疾風雨至杜彥達曰太白
山南連武功山於諸山最爲秀傑冬夏積雪望之皓然
山上有谷春祠春櫟陽人成帝時病死而尸不寒後忽
出櫟南門及光門上而入太白山民爲立祠于山嶺春
秋來祠中止宿焉山下有太白祠民所祀也劉曜之世

是山崩長安人劉終於崩所得白玉方一尺有文字曰
皇亡皇亡敗趙昌井水竭構五梁罟酉小衰困囂喪鳴
呼嗚呼赤牛奮勒其盡乎時羣臣畢賀中書監劉均進
曰此國滅之象其可賀乎終如其言矣渭水又東溫泉
水注之溫水出太壹山其水沸涌如湯杜彥達曰可治
百病世清則疾愈世亂則無驗其水下合溪流北注十
三里入渭渭水又東逕釐縣故城南舊郿城也后稷之
封邑矣卽詩所謂有郿家室也城東北有姜嫄祠城西
南百步有稷祠郿之釐亭也王少林之爲郿縣也路經
此亭亭長曰亭凶殺人少林曰仁勝凶邪何鬼敢忤遂

宿中夜聞女子稱冤之聲少林曰可前來理女子曰無衣不敢進少林投衣與之女子前訴曰妾夫爲涪令之官過宿此亭爲亭長所殺少林曰當爲理寢冤勿復害良善也因解衣于地忽然不見明告亭長遂服其事亭

遂清安渭水又東逕雍縣

一清按下有脫文

雍山

一清按雍山上當云雍水

出雍山漢志右扶風武功縣有淮水祠疑雍水祠之誤寰宇記鳳翔府天興縣下云雍水在縣北二里源出西北平地而李應祥雍勝略云雍山在鳳翔縣西北三十里雍水出應劭曰四面積高曰雍以其積高亦可謂之山也關中地勢多積高如風涼原白鹿原斯類非一又康海武功縣志云雍原卽周原周原在岐山下則雍山殆卽岐山東南流歷中牟溪世謂之中牟水亦曰冰井之支阜乎

水南流逕胡城東俗名也蓋秦惠公之故居所謂祈年

宮也孝公又謂之橐泉宮按地理志曰在雍崔駰曰穆公冢在橐泉宮祈年觀下劉向曰穆公葬無邱壠處也史記曰穆公之卒從死者百七十七人良臣子申氏奄息仲行鍼虎秦人哀之爲之賦黃鳥余謂崔駰及皇覽繆志也惠公孝公竝是穆公之後繼世之君矣子孫無由起宮於祖宗之墳陵矣以是推之知二證之非實也

雍錄曰据酈此言則是惠公所都雍縣有祈年宮至孝公命爲橐泉名雖兩出其實一宮也又引崔駰之言從而辨正其失則是祈年橐泉皆在惠公雍都而亦不知何人所建獨漢書曰惠公所起也黃圖祈爲斬且曰穆公造廟記曰宮在城外而始皇本紀則曰在雍皆以世遠難究其的也一清按史記秦本紀云穆公卒葬雍裴駰集解引皇覽曰秦穆公冢在橐泉宮祈年觀下皇覽魏志以爲文帝命劉劭集魏略以爲皇象受詔撰崔駰

是漢章帝時人今文止有崔駰之說無皇覽之辭而云知二證之非實蓋有缺失又漢志注橐泉宮孝公起祈年公惠公起是有二宮程而左會左陽水世名之西水泰之不知引此所未喻矣

北出左陽谿南流逕岐州城西魏置岐州刺史治左陽水又南流注于雍水雍水又與東水合俗名也北出河桃谷南流右會南源世謂之返眼泉亂流南逕岐州城東而南合雍水州居二水之中南則兩川之交會也世亦名之爲淬空水東流鄧公泉注之水出鄧艾祠北故名曰鄧公泉數源俱發於雍縣故城南縣故秦德公所居也晉書地道記以爲西虢地也漢書地理志以爲西

虢縣

一清按漢志宏農郡陝縣下云西虢在雍州而無西虢縣之目右扶風虢縣有虢宮秦宣太后起卽

所謂西號也

太康記曰號叔之國矣有號宮平王東遷叔自

此之上陽為南號矣

何氏曰按杜預云陝縣東南有號城即是西號國乃號仲所封大陽

之下陽城蓋其別都河東宏農地界相接非兩國也榮

陽新鄭之號為號叔所封在陝縣之南故當年號仲之

北號亦得西號之名若右扶風之號與周室二號無與

然則善長誤矣方輿紀要云桃號城在寶雞縣東五十

里古號君之支屬也史記秦昭公十年滅小號即雍有

此地今有桃號二城相距十餘里俗亦謂桃號川雍有

五時祠以上祠祀五帝一清按此注有訛誤地理志云

百三所郊祀志云秦襄公攻戎救周列為諸侯而居西

自以為主少昊之神作西時祀白帝文公東獵汧渭之

閒夢黃蛇自天下屬地其口止于鄜衍於是作鄜時用

三牲郊祭白帝焉自未作鄜時雍旁故有吳陽武時雍

東有好時皆廢而無祀德公卜居雍雍之諸祠自此興

後宣公作密時于渭南祭青帝靈公於吳陽作上時祭

黃帝作靈時祭炎帝獻公作畦時櫟陽而祀白帝高祖

立黑帝祠名曰北時除武時好時非秦所立襄公居西

水經主澤

垂宮在隴西則西時非雍可知文公酈時在酈縣獻公
畦時在櫟陽是又不在雍也雍之五時封禪書云惟雍
四時上帝為尊索隱曰雍有五時而言四者顧氏以為
兼下文上帝為五非也西時酈時皆非雍密時茲上時
下時畦時是為四并高祖增黑帝而五也小司馬以畦
時當雍四時之一而寰宇記鳳翔府天興縣有三時原
引封禪書酈時密時吳陽上時而云三時在此原亦謂
之周原則反遺卻雍之下時矣章懷後漢書馮衍傳註
亦但引史記曰秦并天下祠雍四時漢加黑帝謂之五
時而不列指四時之目其義終莫能明顧祖禹以為五
時者酈密吳陽上下北亦非也又按三時昔秦文公田
秦時也五時漢時也此三五之名所由分

于汧渭之間夢黃蛇自天屬地其口止于酈衍以為上

帝之神於是作酈時祠白帝秦宣公作密時於陳倉北
坂祀青帝焉靈公又於吳陽作上時祀炎帝焉獻公作

畦時祀赤帝焉

一清按此文與封禪書郊祀志全相乖
迂秦宣公作密時于雍不于陳倉北坂

在陳倉北坂者是陳寶祠乃文公作今以陳寶爲鄜時
非矣靈公作吳陽上時祭黃帝作下時祭炎帝索隱曰
吳陽地名蓋在岳之南上云雍有故吳陽武時蓋因武
時又作上下時以祭黃帝炎帝今云上時祀炎帝誤也
史記櫟陽兩金獻公自以爲得金瑞作畦時櫟陽而祀
白帝漢書云祀上帝字之訛也今云祀赤帝赤卽炎也
更爲漢高帝問曰天有五帝今何四也博士莫知其故
謬矣

帝曰我知之矣待我而五遂立北時祀黑帝焉應劭曰
四面積高曰雍闕駟曰宜爲神明之隩故立羣祀焉又
有鳳臺鳳女祠秦穆公時有簫史者善吹簫能致白鵠
孔雀穆公女弄玉好之公爲作鳳臺以居之積數十年
一旦隨鳳去云雍宮世有簫管之聲焉今臺傾祠毀不
復然矣鄧泉東流注于雍自下雖會他津猶得通稱故

禹貢有雍沮會同之文矣

全氏曰善長誤矣豈可以充州之雍沮釋岐西之水道乎

雍水又東逕邵亭南世謂之樹亭川蓋邵樹聲相近誤

耳亭故邵公之采邑也京相璠曰亭在周城南五十里

後漢郡國志曰郿縣有邵亭謂此也

一清按詩周南召南譜云周召者禹

貢雍州岐山之陽地名今屬右扶風美陽縣史記燕召公世家註譙周云周之支族食采于召謂之召公索隱曰召者畿內采地奭始食邑于召故曰召公或說者以爲文王受命取岐周故墟召地封爵二公故詩有周南召南言皆在岐山之陽故言南也魏書地形志武功郡美陽縣有邵亭方輿紀要鳳翔府鳳翔縣有召城亦曰召亭是也而郡國志曰郿有邵亭卽上郿縣郿亭也班志云右扶風郿縣周后稷所封師古曰讀與郿同音胎善長誤記邵作邵以君奭之食采證皇祖之始封舛繆甚矣王伯厚詩地理攷引注云雍水東逕邵亭南貢本亦是邵字朱氏箋皆改作能

字始又從而爲之辭者耶

雍水又東南流與杜水合

水出杜陽山其水南流謂之杜陽川東南流左會漆水

水出杜陽縣之漆谿謂之漆渠故徐廣曰漆水出杜陽

之岐山者是也漆渠水南流大轡水注之水出西北大

道川東南流入漆卽故岐水也淮南子曰岐水出石橋

山東南流相如封禪書曰收龜于岐

朱氏謀瑋箋曰漢書作放龜文穎注

曰周放畜餘龜于池沼之漢書音義曰岐水名也謂斯

中至漢得之于岐山之陽

水矣二川并逝俱爲一水南與杜水合俗謂之小橫水

亦或名之米流川逕岐山西又屈逕周城南城在岐山

之陽而近西所謂居岐之陽也非直因山致名亦指水

取稱矣又歷周原下北則中水鄉成周聚故曰有周也

一清按漢志右扶風美陽縣禹貢岐山在西北中水鄉周太王所邑水北卽岐山矣昔秦

盜食穆公馬處也岐水又東逕姜氏城南爲姜水按世

本炎帝姜姓帝王世紀曰炎帝神農氏姜母安登一清按三

皇紀作遊華陽感神而生炎帝長于姜水合而東逕美女登

陽縣之中亭川水也水發杜陽縣大嶺側世謂之赤泥

峴沿波歷澗俗名大橫水也疑卽杜水矣其水東南流

東逕杜陽縣故城東西三百步南北二百步世謂之故

縣川又故虢縣有杜陽山山北有杜陽谷有地穴北入

亦不知所極在天柱山南寰宇記鳳翔府岐山縣下云岐山亦名天柱山河圖括地

象曰岐山在崑崙山東南爲地乳上多白金周之興也鸞鶯鳴于山上時人亦謂此山爲鳳凰堆注水經云云

杜山有鳳凰祠或云其峯高峻迥出諸山狀若柱因以爲名一清按御覽及程克齋春秋分記並引之今缺失矣故縣取名焉亦指是水而攝目矣卽王莽之通杜也

故地理志曰縣有杜水

一清按漢志右扶風杜陽縣杜水南入渭詩自杜師古曰大雅

縣之詩曰人之初生自土沮漆齊詩作杜言公劉避狄而來居杜與漆沮之地

又東二坑水注

之水有二源一水出西北與瀆魑水合而東歷五將山

又合鄉谷水水出鄉谿東南流入杜謂之鄉谷川又南

莢水注之

一清按名勝志引注作莫水方輿紀要云莫水亦曰莫谷水寰宇記武功縣下引水經注

云莫谷水逕美陽縣與中亭川水合莢之與莫字形相近

水出好時縣梁山大嶺東

南逕梁山宮西故地理志曰好時有梁山宮秦始皇起

水東有好時縣故城王莽之好邑也世祖建武二年封

建威大將軍耿弇爲侯國又南逕美陽縣之中亭川注

雍水謂之中亭水又南逕美陽縣西永元二年更封鄣

雍侯耿秉爲侯國

一清按後漢書耿秉傳秉以章和二

道縣注云渭水東北流與彭川合東北至彭縣南永元
元年和帝封耿秉爲侯國是秉先嘗封彭侯後更封美
陽足補范書之

缺此雍字誤

其水又南流注于渭渭水又東逕郿塢

南漢獻帝傳曰董卓發卒築郿塢高與長安城等積穀

爲三十年儲自云事成雄據天下不成守此足以畢老

其愚如此渭水又東洛谷之水出其南山洛谷北流逕

長城西魏甘露三年蜀遣姜維出洛谷圍長城卽斯地

也

又東芒水從南來流注之

芒水出南山芒谷北流逕玉女房水側山際有石室世
謂之玉女房芒水又北逕盤屋縣之竹園中分爲二水
漢沖帝詔曰翟義作亂於東霍鴻負倚盤屋芒竹卽此
也

日知錄幼主謂之沖帝水
經注以孺子嬰爲沖帝

其水分爲二流一水之東

北爲枝流一水北流注于渭也